

# 初次愛上

作者: 柒軒

Powered by [紙言](#)

# Nice to meet You

開學第一日，作為band3學生，遲到好正常，遲咗10分鐘，被屌1個鐘，唉，仲要入錯班房，柒到仆街。

終於入到班房，我係A班，精英班（我都唔知點解自己可以入到），入到去成班望L住我，好彩miss叫我去坐低，如果唔係，我同佢哋可以對望到聽日。

我坐係個男仔隔離，吹咗兩三句水，幾nice。

之後就到英文堂，一個勁大隻咗阿sir入嚟，話自己係我哋班嘅英文老師，9講咗好多野，我去咗洗手間食煙，之後過咗一陣，我等煙味過咗先返課室。

一入到課室，見到啲位換晒，男女男女咁坐，我望左陣，先見到自己個位，啊sir問我點解咁晏返，我話我肚痛。呢個時候，我見到我鄰座有個女仔書包，但係人又唔係度，我諗應該去咗下一層嘅廁所，因為呢層女廁清潔緊。

過咗陣，一個高高地，長頭髮，好靚嘅女仔入咗嚟，佢慢慢行去我隔離，我嘅心情，開心過中六合彩，呢個時候，老師叫我哋認識下鄰座同學，我諗唔到講咩好，佢好溫柔咁講，nice to meet you,我叫天恩。我答咗佢nice yo meet you too!我叫啊軒。

# 鏡子

由於淨係英文堂先可以調位，所以我哋講得好嘢，根本上淨係講咗3-4句，大家依然非常陌生。

過咗兩個星期，我開始同班上面嘅人friend,我見到佢到開始有朋友，係開心嘅，我同佢開始會上堂嘅時候一齊傾計，大家嘅話題愈黎愈多，大家開始熟。

到咗選班上嘅職位，佢叫我選班長，我心諗，如果我食煙畀人睇到點算？所以我話，唔好啦，我怕醜，跟住佢話，如果我選，你會唔會一齊選？我諗咗一下，我話你選左再算，佢真係選咗，咁我就話，下次先，佢畀咗個反白眼畀我。

之後嘅每一日，我都係負負66咁過，小測啱啱好合格，功課問人抄，上堂食完煙又訓，每日就係咁過，我同天恩既關係一日比一日好。

到咗第一次考試，我好大膽咁約天恩出嚟溫書，佢話好呀！有咗佢幫我溫書，我啲成績好咗少少，但係同佢仲係差好遠。

考完試，就係調位，我好巧合咁同天恩坐窗邊，每日望住佢認真上堂嘅背影，令到我都開始聽書。

# 聖誕節

話咁快就聖誕節，學校整咗一連串嘅活動，又演唱會，又旅行，我對呢啲完全無興趣，所以我逃咗一日課，話自己病咗所以唔返學。

呢日大家係唔同嘅社交媒體上發佈好多相，我望咗天恩嘅instagram,佢都唔例外，post咗好多相，好似好開心，我見到佢咁我都好滿足。

第二日係旅行，我哋去長洲玩，今次佢問我，幫我影下相好冇？我幫佢影咗幾張，之後我就一路跟住佢，一男一女去張保仔洞。

嗰度好細，佢好輕鬆就入到去，我花咗啲時間先入到去，由於佢驚黑，所以我行頭，行行下，佢仆咗落地下，我又冇膠布，佢痛到行唔到，我問佢，得唔得呀？佢話，唔係好得。我話，如果你唔介意嘅話，我可以咩你嘅。佢細細聲話唔該晒。

出返去有啲救護站，佢喺嗰度休息咗陣，貼咗塊膠布之後就走咗，我係個日就再冇見到佢。

# 春天

過咗聖誕假之後，有幾日返學嘅時間，之後又到農曆新年假期，天恩佢一直都冇返學，後尾先知原來佢係請假去旅行。

以前嘅我，放學之後會搵佢傾WhatsApp,但係我依家搵佢,佢好多都係已讀不回,我問咗句:我係咪做錯左啲咩?佢話:覺得我哋嘅關係.....超越左普通男女,都係做返普通朋友好啲。

唔知點解，我係呢一刻個心情好失落，我明明唔係鍾意佢，淨係覺得佢好靚，到底點解會唔開心？

之後我喺新年嘅假期，我淨係留咗喺屋企，諗咗好多嘢。冇同天恩佢傾10幾日計，每日望返以前同佢嘅對話，我覺得自己真係好似有少少鍾意咗佢。

# Lost

到咗二月初,距離返學嘅日子越嚟越近,我嘅心情都越嚟越複雜,到底我要點樣面對佢,眨吓眼,又到返學嘅日子。

我唔夠膽入班房,拖時間拖左10幾分鐘,但係我明白咁樣唔係方法,我入咗去班房,見到佢坐住嚟我隔離,專心緊做緊功課,好似冇乜嘢,我坐到埋位,佢就拉開左張枱,我以為佢想同我分開坐,好彩佢係擺啲嘢,我問咗佢一句,咁我哋係唔係朋友?佢話:點解唔係?跟住佢笑左我一陣,佢話:或者係我對男女關係太敏感掛,因為我小學冇乜朋友,所以人際關係唔係太好。雖然佢咁樣講,但係我都覺得,我哋嘅關係又變返零。

係第二日,出邊好大雨,行雷閃電,偏偏喺八點嘅時候先掛8號風球,我都唔明,春天點解會有風球。係呢一日,我哋可以選擇自行放學,或者喺課室度玩一日,天恩佢揀自行放學,但係出到去先發現啲車停晒,呢個時候,我返緊屋企,天恩佢冇地方去,佢WhatsApp搵我,佢問:有冇方法出到去九龍,我答佢:或者我嗰邊有架小巴未停。佢話:你可唔可以帶我去,我就喺學校門口。我答佢好啊,我見到佢成身濕晒,本身打算問佢,上唔上住我屋企先?

但係後尾諗,男女好似唔係太好。之後去到小巴士,班車啱啱走咗,亦都係最後一班。咁佢而家冇地方去,我問咗佢一句,上唔上我屋企啲吓先,而家咁樣你都有地方去?佢話:好似唔係太好啫,我話,你唔介意就得。佢答返我,咁行啦。到咗屋企,我見到佢喺度做功課,我緊張到唔知做咩好,我就去咗整嘢食先,整完嘢食,見到佢瞓着咗係張梳發度,或者佢有少少感冒,我幫佢凹咗件衫,跟住俾佢喺度瞓,過咗幾個鐘之後,雨停左,交通陸陸續續恢復正常,佢都醒咗,佢話,時間都唔早,我要走啦。我帶佢落去小巴士。

出門口之前,佢噴左香水,跟住.....錫左我一啖,跟住話拖住我隻手落小巴士,我全程緊張到唔夠膽講嘢,佢上小巴嘅時候,佢小巴上面講咗句嘢,我聽唔到,跟住佢就走左。

# Start?

送完佢走之後，我成日興奮度瞓唔着覺，到咗第二日，我返到學校，好遲都見唔到佢，我擔心左一陣，原來係塞車，所以先遲咗返。

佢問咗我一句：你係咪鍾意我？我好大聲咁答：係！佢話：其實我都鍾意你，不過係唔知點開口。係呢一刻，我個心甜到爆炸，生活上任何苦惱嘅東西好似忘記晒，係一片大草原奔跑緊，呢個時候佢突然講咗句，不如我哋拍拖？

正式開始，同佢拍拖嘅第一日，班上面有好多人都知道左，有一個女仔搵咗我，同我講咗啲嘢，佢話，你聖誕節無返學嗰日，佢成日都好唔開心，係影相嘅時候先喺度假笑，佢已讀不回你，係佢唔知點樣面對你，呢啲說話係佢同我講。就咁就放咗學，我喺學校門口等佢。

佢過咗一陣就出咗，我哋去咗間餐廳度食嘢，望住佢個樣，真係覺得好不可思議，我居然同我鍾意嘅人一齊緊。就咁樣，我哋每日放學嘅活動都好精彩，我同佢嘅關係越嚟越好，一切睇落係好正常。

## 秘密

過咗三個月之後，又到左考試，呢個時候，周邊嘅人開始傳來天恩要去外國留學，起初我都唔相信，後尾我不停咁問佢，佢係咁逃避我嘅問題，之後我冇再去問佢，因為我覺得俾返啲私人好似好啲。

每一日好快樂咁過，無論係考試，都可以好開心咁過，我啲成績都越嚟越好，基本上多得天恩，又過咗兩個月，到結業禮嘅時候，我問咗天恩一句：你係咪要走啦？佢冇答到我，佢只係點左頭。

呢個時候，我提出左個好大膽嘅想法，不如我哋去梅窩玩兩日一夜？佢諗咗一陣，話好。我諗呢次，好大機會係同佢最後一次嘅約會。所以我沉思左幾日，諗緊一個最好嘅行程。

話咁快又到左約佢嗰日，天不做美，落咗一場大雨，令到我嘅行程亂晒。不過都有驚無險咁過咗兩日。



# 再見

到咗離別嘅日子，我同佢約好咗喺機場等，我以為會有好多個人，點知原來得我一個。

我唔知講咩好，到咗關口，我知呢個係最後嘅機會，我同佢講咗句：你會唔會返嚟？佢話：我返嚟一定會搵你，最後我送咗隻錶俾佢，雖然唔係好貴，但係，係我第一次送俾女仔嘅禮物。

我忍住眼淚，到佢走咗嗰一刻，我先至喊出嚟，突然之間有人攞住我，原來係佢，佢唔捨得走，為咗佢嘅未來，我推開咗佢，呢段感情就到此為止。

之後嘅我，好努力咁讀書，就係為咗可以配上佢。之後，我好順利咁入咗大學，但係我仍然搵唔到佢，佢換咗電話，IG 又換咗名，我搵唔到佢。

直至有一次，我喺條橋上面，見到好似佢嘅背影，我好大聲咁叫：天恩！佢令轉左頭，見到佢之後，佢個樣成熟咗好多，真係好靚，我即刻跑咗過去，攞住佢，唔再俾你走甩！係佢隻手度，仍然帶着我俾佢嘅錶。